

CONCIERTOS
—
ACTIVIDADES
—
DEL 28 DE MAYU
AL 13 DE XUNU
—
PATIU DEL CCAI
—
SALÓN D'ACTOS
DEL CCAI
—
MUSÉU CASA
NATAL DE
XOVELLANOS

XIII 2025 ALCUENTROS DE MÚSIQUES ASTURIANES

Xixón | Cultura y Educación

XIII 2025 ALCUENTROS DE MÚSIQUES ASTURIANES

C/ Xovellanos, 21
33201 Xixón
985 18 13 89
linguaasturiana@xixon.es
linguaxixon
www.facebook.com/ofillin
@LlinguaXixon
YouTube
Taller de Músicos Gijón-Xixón

Juan Gallego Diseño www.juangualego.com D.L. AS 01291 - 2025

XIII 2025 ALCUENTROS DE MÚSIQUES ASTURIANES

Sol abrigu de los "alcuentros" búscase incentivar intercambios y reflexones al rodiu de les distintes manifestaciones estilístiques de la música asturiana d'anguaño (pop, jazz, folk, tradicional...); tamién combinar la presencia de voces bien consagraes de la escena (Anabel Santiago) con otres formaciones de más recién creación (Picarós); o la reinterpretación de lo asturiano dende una mirada internacional (Cubasturia Jazz), alternando distintos formatos (conciertos, xuntances de baile, presentaciones de llibru, meses redondes...) y espacios urbanos (Centru de Cultura Antiguu Institutu, Muséu Casa Natal de Xovellanos). Too ello p'amosar la pluralidá, bayura y bona salú de la nuestra música asturiana, na so diversidá.

CONCIERTOS - ACTIVIDAES

PROGRAMA - Del 28 de mayu al 13 de Xunu 2025

PATIU DEL CCAI

Centru de Cultura Antiguu Institutu
C/Xovellanos, 21

• Miércoles, 28 mayu | 19.30 h.

ANABEL SANTIAGO

• Xueves, 5 xunu | 19.30 h.

Presentación:

"DIARIOS D'UNA PANDERETERA",
con LETICIA BASELGAS, LLORIÁN
GARCÍA y ALICIA ÁLVAREZ

• Miércoles, 11 xunu | 19.30 h.

CUBASTURIA JAZZ

• Vienes, 13 xunu | 20.00 h.

A bailar:

SOI PANDERETERA
ROLLU FOLK

SALÓN D'ACTOS DEL CCAI

Centru de Cultura Antiguu Institutu
C/Xovellanos, 21

• Xueves, 29 mayu | 19.00 h.

Alderique:

"MIRAES DE MUVER NA
MÚSICA ASTURIANA"

MUSÉU CASA NATAL DE XOVELLANOS

Plaza de Xovellanos, e/n

• Miércoles, 4 xunu | 19.00 h.

PICARÓS

28 mayu | 19.30 h | PATIU DEL CCAI

ANABEL SANTIAGO en conciertu

Anabel Santiago desembarca otra vuelta en Xixón en concierto, acompañada de la so banda habitual y cola colaboración especial del grupu de pandereteres Compañeras.

Nesti alcuentru musical íntimu y cercanu, l'artista fai un repás pela música tradicional revisitada y versionada con estilos estremaos de cantares asturianos, gallegos y ibéricos. Dientro del repertoriu alcontramos cantares propios y tamién versiones d'artistes almiraos pola cantante como son Luis Eduardo Aute o Joaquín Díaz. El mestizaxe musical d'Anabel Santiago ye una constante nesti espectáculu que consigue modernizar y averar al gran públicu los soníos tradicionales y eleválos a una categoría universal. Como novedá Anabel va incluyir nel *setlist* del concierto del Antiguu Institutu cantares del so proyeutu musical nuevu que va ver la lluz na seronda del 2025.

Músicos:

Andy da Silva (guitarres)

Guille Barrera (batería y percusiones)

Luis Pola (teclaos y coros)



29 mayu | 19.00 h
SALÓN D'ACTOS DEL CCAI

Alderique: "Miraes de muyer na música asturiana"

¿Cuántes mueres vemos enriba los escenarios cuando suena música asturiana? ¿Dende qué sitiu cuenten, canten y toquen? ¿Qué torques atopen nel camín de la creación y la espresión artística? ¿Ónde queda la so identidá cuando lo faen? ¿Cómo concebimos la so figura? Son munches les entruques que xurden al rodiu de la presencia (o non) de les mueres nel ecosistema cultural y profesional de la música asturiana y poques les reflexones nesi sen qu'ocupen espacios públicos davezu. Pente esti alderique, tres intérpretes y una moderadora van entamar a nomar les esperiencias que-yos atravesen como mueres músiques n'Asturies.

Intervienen: **Sandra Díaz, Mapi Quintana y Raquel Vega**
Modera: **Claudia González**



4 xunu | 19.00 h
MUSÉU CASA NATAL DE
XOVELLANOS

PICARÓS

Tríu instrumental que, partiendo de la música de tradición asturiana y atlántica, crea'l so propiu repertoriu 100% orixinal. La so música distínguese pol soníu empastao y cuidao, que combina la épica y emotividá de la música celta más clásica colos ritmos vibrantes y bailleros de *jigs*, *xotes*, *reels* o *muñeires*. La so puesta n'escena invita a descubrir otre formes de sentir y disfrutar los nuestros raigaños. Una propuesta abierta pa toles xeneraciones y gustos musicales. En 2024 publiquen el so primer discu, Son d'Ermu, que los llanza direutamente a la final del prestixosu Festival Internacional del Mundu Celta d'Ortigueira en 2024. En 2025, Son d'Ermu recibe una nominación a meyor discu de música folk d'Asturies nos premios AMAS.

Formación:
Iván de Trubia (gaita/whistle)
Daniel de la Nava (guitarra)
Chus Fernández (bodrán)



5 xunu | 19.30
PATIU DEL CCAI

Presentación: "DIARIOS D'UNA PANDERETERA"

El musicólogu Llorián García y l'artista y editora Alicia Álvarez van acompañar a l'autora na presentación del so llibru, nel que tradición, identidá y autenticidá son conceutos alreduro de los que Leticia Baselgas —metá del dúu L-R y una de les pandereteres más importantes del panorama musical n'Asturies— lleva reflexonando dende que yera una neña y que, agora, aborda en forma d'ensayu nestos apasionantes diarios personales escritos per cuasi dos décadas. Con ritmu cinematográficu y la guía d'una documentada brúxula teórica, Baselgas rellata les sos primeres esperiencias nun grupu de baille marcaes pola disciplina y l'imaxinariu folclóricu posfranquista; el so posterior desencantu cola música tradicional y el rigorismu etnográfico; y, pa cabu, la so llegada al conceutu de post-folk asturianu como un espaciu de llibertá creativa.

Con: **Leticia Baselgas, Llorián García y Alicia Álvarez**



11 xunu | 19.30 h
PATIU DEL CCAI

CUBASTURIA JAZZ

Cubasturia Jazz ye un cuartetu qu'entemez la música tradicional asturiana col jazz cubanu. El repertoriu ta formáu por cantares populares asturianos arropaos con improvisaciones y con un gran abanicu de ritmos como'l son, el cha cha cha, la rumba, l'habanera, el bolero, ritmos afrocubanos y munchos más. Ye una propuesta que pretende esparder la cultura asturcubana p'hacia nuevos horizontes dende otra visión sonora, col respetu y la sensibilidá por bandera.

Formación:
Rita Ojanguren (voz principal -asturiana- y percusión tradicional)
Julio García Lemus (baxu eléctricu)
Dani Morales (batería y percusión cubana)
Edgar Olivero (pianu y voz -cubana-)



13 xunu | 20.00 h | PATIU DEL CCAI

A bailar

Vamos facer una tarde en danza al mou Xixón. Da igual que tengas más o menos ritmu, que pises como'l quirosán del cantar a la to pareya, lo importante ye bailar y pasalo bien. Esperámosvos.

SOI PANDERETERA 20.00 h



Soi Panderetera ye una iniciativa de les alumnes de la Escuela de Música Tradicional La Quintana de Xixón, que surdió nel añu 2017. L'actual Asociación musical Soi Panderetera surge nel 2024, como la evolución natural d'esti grupu inicial, un mou de profesionalizase y visibilizar más el llabor que lleva faciendo Raquel Vega Roza dende va años al mandu de les pandereteres qu'agora componen esti grupu.

El grupu surge col envís de facer música'l país pal baille a lo sueltu qu'emplegue los códigos y patrones del baille tradicional asturianu, pero ensin utilizar pa ello les melodíes y cantares populares yá recoyíos y asumíos como propios na nuestra tradición. Apuesten por componer la so música y escribir les sos propies lletres dende una óptica del sieglu XXI, influyíes poles modes del momentu, pa con ello poder desenvolver un discursu dende la llibertá creativa que les lleve a algamar una sonoridá, estilu y identidá propios.

ROLLU FOLK 21.30 h

Surdió de delles sesiones y xuntances d'amigos y amigos y presenta temas de la tradición asturiana y otros d'Europa Atlántica, nuna propuesta qu'invita a la xente a participar y que ta pensada pal baille, pa cantar o tocar.

Formación:
Carla Gallego (percusión)
Raquel Gutiérrez (percusión)
Boxib Sen (guitarra)
Vítor Xuan Melero (xiblates)
Miguel Villar (vigulín)

